



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_. \_\_. 2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici održanoj \_\_. \_\_. 2021. godine, usvojilo je

Izvještaj o provođenju Odluke o spomenicima od značaja za Grad Sarajevo za 2020. godinu

**PREDSJEDAVAJUĆI GRADSKOG VIJEĆA**

**Jasmin Ademović**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNIK**

**IZVJEŠTAJ**  
**O PROVOĐENJU ODLUKE O SPOMENICIMA OD ZNAČAJA ZA GRAD**  
**SARAJEVO ZA 2020. GODINU**

***Predlagač: Gradonačelnica***  
***Obradivač: Služba za urbano planiranje, investicije,***  
***stambene i komunalne poslove***

**Sarajevo, maj 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



U skladu sa Programom rada Gradskog Vijeća za 2021. godinu pripremljen je Izvještaj o provođenju Odluke o spomenicima od značaja za Grad Sarajevo za 2020. godinu.

Odlukom o spomenicima od značaja za Grad Sarajevo („Službene novine Kantona Sarajevo“, broj 49/19) definisan je kriteriji za utvrđivanje spomenika od značaja za Grad Sarajevo, vrste spomenika, način podnošenja inicijative za podizanje spomenika od značaja za Grad Sarajevo, uslovi i postupak za podizanje spomenika od značaja za Grad Sarajevo, kao i način održavanja i zaštite spomenika podignutih u skladu sa ovom Odlukom.

## **I. Odluke o podizanju spomen obilježja**

Donesena je Odluka o podizanju Spomen-obilježja „HVO-Sarajevo („Službene novine Kantona Sarajevo“, broj 5/20) te njena izmjena krajem 2020. godine, kako bi se omogućila izmjena idejnog rješenja po zahtjevu nadležne općine. Ishodovana je urbanistička saglasnost te se aktivno radi na ispunjavanju propisanih uslova kako bi se obezbijedilo odobrenje za građenje i realizovao projekat.

Na zahtjev samog inicijatora, odustalo se od donošenja Odluke o podizanju Spomen obilježja pripadnicima Zelenih beretki na dolaznoj stanici Trebevičke, iako je ovo spomen obilježje bilo planirano programom podizanja spomenika za 2020. godinu i kompletna administrativna procedura bila okončana.

## **II. Inicijative**

U 2020. godini Služba za urbano planiranje, investicije, stambene i komunalne poslove je u skladu sa Odlukom o podizanju spomenik od značaja za Grad Sarajevo obradila i prosljedila sljedeće inicijative Komisiji za spomenike na razmatranje:

1. Inicijativa za podizanje spomen obilježja Umihani Čuvidini. Komisija ja razmatrala navedenu inicijativu i konstatovala da ne postoje precizni historijski podaci o navedenoj ličnosti, kao i to da je lik i djelo ove pjesnikinje obilježeno i očuvano na prigodan način kroz davanje imena školi u Novom Gradu i ulici na području općine Ilidža.
2. Inicijativa Općinskog vijeća Općine Centar za podizanje spomen obilježja od značaja za Bosnu i Hercegovinu, odnosno podizanje spomen obilježja vijećnicima ZAVNOBIH-a na Trgu Bosne i Hercegovine. Komisija za spomenike je razmotrila ovu inicijativu i nakon prikupljenih informacija od nadležnih institucija o broju već podignutih spomenika ove tematike donijela zaključak da je ova inicijativa, odnosno spomenik od značaja za Grad Sarajevo te zatražila od inicijatora da istu dopuni sa idejnim rješenjem, načinom finasiranja i prijedlogom nosioca realizacije.
3. Inicijativa za izgradnju spomen obilježja civilnim žrtvama rata Grada-Kantona Sarajeva. Udruženje – unija civilnih žrtava rata Kantona Sarajevo. Komisija ja razmatrala navedenu inicijativu i konstatovala da je navedeno spomen obilježja d značaja za Grad Sarajevo, ali da je inicijativa nepotpuna u smislu načina finasiranja, nosioca projekta i idejnog rješenja. Također je zatraženo da se predložena lokacija usaglasi sa Općinom Stari Grad. Grad Sarajevo je tražio izjašnjenje nadležne općina u 2 navrata, ali još uvijek nemamo zvaničan stav općinske administracije na predloženu lokaciju.
4. Inicijativa za podizanje jedinstvenog spomen obilježja za borce Općine Stari Grad - savez boračkih udruženja – Trg preko puta Vijećnice. Komisija ja razmatrala navedenu

inicijativu i konstatovala da navedena inicijativa nije podizanje spomenika od značaja za Grad Sarajevo u skladu sa kriterijima iz Člana 3. Odluke o spomenicima od značaja za Grad Sarajevo.

5. Inicijativa za postavljanje spomen obilježja šehidima i poginulim borcima Jerčedola na lokalitetu mjesne zajednice Hrid-Jerčedoli. Komisija za spomenike je razmatrala i konstatira da inicijativa ne ispunjava uslove iz člana 3. Odluke o spomenicima od značaja za Grad Sarajevo.
6. Planirani spomenik Kralju Tvrtku I. Nakon pokrenutih aktivnosti na izgradnji ovog spomenika i saglasnosti Općine Centar na jednu od predloženih lokacija u parku ispred zgrade Predsjedništva, Komisija za spomenike je zatražila formiranje dodatne stručne komisije sa zadatkom izbora adekvatne lokacije za ovaj spomenik. Očekuje se u 2021. godini formiranje ovog stručnog tima kao bi se odabrala adekvatna lokacija, nakon čega se može krenuti u izbor idejnog rješenja konkursom, izradom glavnog projekta, Odlukom o podizanju spomenika te dobavljanjem urbanističke saglasnosti i odobrenja za građenje, nakon čega se konačno može i izgraditi ovaj značajan spomenik.
7. Razmatrana je inicijativa zastupnika Damira Nikšića o promjeni naziva parka preko puta zgrade Predsjedništva i podizanje novog spomenika. Komisija je konstatovala da nije nadležna za promjenu naziva parka, kao i da sama inicijativa nije predložena u skladu sa Članom 5. Odluke o spomenicima, odnosno nije predložena od ovlaštenog predlagača.
8. Po planu rada i propisima Odluke o podizanju spomenika od značaja za Grad Sarajevo, Gradsko vijeće je usvojilo Plan podizanja spomenika od značaja za 2021. godinu.
9. U 2019. godini naručen je Elaborat o stanju spomenika od značaja za Grad Sarajevo od Zavoda za zaštitu kulturno-historijskog naslijeđa ka stručne institucije. Ovaj Elaborat je dao pregled stanja spomenika i neophodne mjere na njihovom održavanju i sanaciji. Na osnovu ovog Elaborata pripremljen je Plan održavanja spomenika u 2020. godini te je putem JP „Sarajevo“ d.o.o. obavljena ova aktivnost.
10. Troškove komunalnih usluga i energenata za spomenike koji sadrže fontane, određene mašinske i elektro uređaje, također snosi Grad Sarajevo, putem primjene drugog gradskog propisa.

**GRADONAČELNICA**

**Doc. dr. Benjamina Karić**